



SIARAN MEDIA KEMENTERIAN KEWANGAN

BAYARAN STR FASA 2 KEPADA 5.2 JUTA PENERIMA BERMULA 10 MAC 2026

Bayaran **Sumbangan Tunai Rahmah (STR) Fasa 2 kepada 5.2 juta penerima akan diawalkan dan mula dikreditkan secara berperingkat mulai 10 Mac ini**, kata YAB Dato' Seri Anwar Ibrahim, Perdana Menteri dan Menteri Kewangan, pada Majlis Perhimpunan Bulanan YAB Perdana Menteri hari ini.

Pembayaran ini dijangka membantu jutaan rakyat membuat persiapan menjelang perayaan Hari Raya Aidilfitri yang bakal tiba.

Jumlah penerima bagi Fasa 2 meningkat kepada 5.2 juta, berbanding 5 juta pada Fasa 1.

Bagi Fasa 2, Kerajaan menyediakan peruntukan RM1.3 bilion, meningkat daripada RM1.1 bilion pada Fasa 1, Januari lalu. Ini termasuk 200,000 penerima baharu yang diluluskan, yang akan menerima bayaran mulai 30 Mac 2026.

Secara keseluruhan, bantuan STR Fasa 2 akan memanfaatkan 3.8 juta isi rumah serta 1.4 juta warga emas tiada pasangan, dengan kadar bayaran antara RM100 hingga RM600 mengikut kategori kelayakan.

YAB Dato' Seri Anwar berkata peluasan penerima STR Fasa 2 membolehkan lebih ramai rakyat menikmati manfaat bantuan sosial kerajaan, khususnya ketika negara menghampiri perayaan Hari Raya Aidilfitri.

"Melalui STR, Sumbangan Asas Rahmah (SARA) serta SARA Untuk Semua, Kerajaan MADANI terus berusaha memastikan hasil negara dapat dikongsi dan dimanfaatkan oleh rakyat, terutama golongan yang memerlukan," kata beliau.

Bagi tahun 2026, peruntukan keseluruhan STR dan SARA berjumlah RM15 bilion, kekal yang tertinggi dalam sejarah Kerajaan Persekutuan.

Orang ramai boleh mendapatkan maklumat lanjut serta Soalan Lazim (FAQ) melalui portal rasmi <https://bantuantunai.hasil.gov.my>.

Kementerian Kewangan turut mengingatkan orang ramai supaya berwaspada terhadap pautan palsu dan cubaan penipuan, serta hanya merujuk kepada portal rasmi STR untuk maklumat terkini.

Kementerian Kewangan

Putrajaya

9 Mac 2026

Lampiran

1. Pembayaran STR Fasa 2 akan disalurkan secara berperingkat:

Kaedah Pembayaran	Tarikh Pembayaran
Mempunyai akaun bank - Dikreditkan terus ke dalam akaun bank	Mulai 10 Mac 2026 (Penerima Sedia Ada) Mulai 30 Mac 2026 (Penerima Baharu)
Tiada akaun bank (termasuk di Sabah, Sarawak dan W.P. Labuan) - Pembayaran secara tunai melalui cawangan Bank Simpanan Nasional	

2. Pembayaran STR Fasa 2 mengikut kategori kelayakan masing-masing:

Kategori Penerima	Jumlah Penerima	Kadar Bayaran	Implikasi Kewangan
Isi Rumah ($\leq$ RM2,500)	2.7 juta	RM150 – RM600	RM1.0 bilion
Isi Rumah (RM2,501-RM5,000)	1.1 juta	RM100 – RM250	RM0.1 bilion
Warga Emas Tiada Pasangan	1.4 juta	RM150	RM0.2 bilion
JUMLAH	5.2 juta	-	RM1.3 bilion

3. Perbandingan pembayaran STR dan SARA Bulanan Tahun 2025 dan 2026 mengikut kategori kelayakan masing-masing:

Kategori Penerima	Had Umur	Kategori Bantuan / Pendapatan Bulanan	Bilangan Anak	Jumlah Bantuan STR		Semua Penerima STR Layak SARA Bulanan (RM100/RM50 setahun)		Jumlah STR + SARA Bulanan		Tambahan SARA Bulanan untuk Miskin dan Miskin Tegar (RM100/50 setahun)	Jumlah Maksimum dan Minimum STR + SARA Bulanan
				2025	2026	2025	2026	2025	2026		
ISI RUMAH	Tiada Had Umur	RM2,500 dan ke bawah (3.1 juta penerima)	Tiada	RM1,000	RM700	RM900	RM1,200	RM1,900	RM1,900	RM1,200/ RM600 setahun (RM100/ RM50 setiap bulan untuk 12 bulan)	Maksimum: RM4,600 Minimum: RM600
			1-2 Anak	RM1,500	RM1,200	RM900	RM1,200	RM2,400	RM2,400		
			3-4 Anak	RM2,000	RM1,700	RM900	RM1,200	RM2,900	RM2,900		
			≥5 Anak	RM2,500	RM2,200	RM900	RM1,200	RM3,400	RM3,400		
		RM2,501 – RM5,000 (1.0 juta penerima)	Tiada	RM500	RM200	RM900	RM1,200	RM1,400	RM1,400		
			1-2 Anak	RM750	RM450	RM900	RM1,200	RM1,650	RM1,650		
			3-4 Anak	RM1,000	RM700	RM900	RM1,200	RM1,900	RM1,900		
WARGA EMAS TIADA PASANGAN	≥60 Tahun	RM5,000 dan ke bawah (1.3 juta penerima)	Tiada	RM600	RM600	RM450	RM600	RM1,050	RM1,200		
BUJANG	21-59 Tahun	RM2,500 dan ke bawah (3.3 juta penerima)	Tiada	RM600	-	-	RM600	RM600	RM600		